

38



S7848

錄
法
法

准法




蘭譜與法目錄終



種樹書卷之上

漢郭橐

明周履靖



正月

九焦在辰 天火在子 地火在巳

元旦鷄鳴以火把照桑果無蟲

辰日將斧斑駁斫樹則結子不落

此月栽樹為上時

以輓石放李樹岐枝多結實

種樹書

卷之二

一

凡栽果上半月栽者多子南風火日不可栽

下茄瓜天羅子蕙苡諸般花子

籬楊柳木香長春佛見笑薔薇石榴梔子

種松桑榆柳棗蔥葵韭麻椒牛蒡子竹宜初二

日

雜樹木宜上旬

木綿花苦蕒山藥冬瓜宜三十日

接諸般花果樹

移諸般花果樹已上凡種時並忌南風火

壟瓜地

移桑樹高樹白桑宜山岡地上墻邊籬畔種之
五月收桑椹以水淘取子畧晒成畦種之至
冬間燒去稍明年分開再種一年後可移若
是矮短青桑宜水鄉田土水畔種之正二月
用木鈎攀枝地上以土壓之明年正月便可
截斷移種每年兩次用糞或蠶沙添肥土澆
壅常鋤去草根動浮根樹下宜種菜蔬依時
修治則葉茂

種樹書

卷之二

二

修桑樹削去枯枝去樹低下小者死枝條開根
用糞土泥培壅與十二月同此月上旬不修
理則葉生遲而薄

種葦取爛穀木截斷埋於陰地用草蓋常以米
泔沃之則生宜用丁開日采木

鋤耘麥過此月則失時

秧芋用已熟過糞灰密排候生芽

栽葱韭薤去鬚晒乾疎行密排用鷄糞蓋

修果木去低小亂枝條勿令分力

二月

九焦在丑 天火在卯 地火在午

此月雨中埋諸般樹條則活

下麻子山藥

籤芙蓉石榴木槿

種槐茶薤木瓜桐樹決明百合胡麻黃精竹茄

瓜莧枸杞萱草蒼木鳳仙芭蕉地栗萵苣茨

菰雜菜芋宜雨後

葫蘆黃瓜藏瓜茄冬瓜宜清明日中每日以少

種樹書

卷之七

三

糞水澆

分菊宜清明

夏蘿蔔菘菜烏頭豌豆甘蔗菜莢宜社前

玉簪石菊山丹

接桃李梅棗柑橘桑柿

移諸般花果已上忌南風火日

萵苣苦蕒生菜

舒葡萄上架

解樹上裹縛

種椒候椒十分熟揀大者陰乾收子不要手捻
包裹地內來年此月初種或當時種濕潤肥
地內以破薦蓋上用泥宜常潤候生出土去
薦做棚逐株分開次年移種用瓦屑麻餅糞
灰欹斜種之三年後換嫩條方結實蛇來吃
椒宜種香白芷或以髮纏樹根種生菜亦得
種茶宜斜坡陰地委水處用糠與焦土種每一
圈用六七十粒土厚一寸出時不要耘草旱
用米泔澆常以尿糞水或蠶沙壅之三年後

種樹書

卷之上

四

可採藥

壓桑條濕土壓條爛燥土壓易生根

月內三卯有則宜豆無則宜早禾

三月

九焦在戌 天火在午 地火在未

種菘豆早豆山藥黃瓜早芝麻匏瓠葫蘆梔子

地黃藍青絲瓜

甜瓜用鹽水澆子以鹵水拌和澆壅

扁豆宜清明

芋宜近水

紫蘇在瓜畦上可遮日得兩利

黃獨葶薺木綿麻子菱

移椒茄秧芍藥百合剪金茭白枸杞苗

蒲宜上旬雨中

梔子帶花移則活梅雨中宜籤

接梅杏

下江豆穀雨前後種六月收子便種八月再生

又收一次

種樹書

卷之上

五

收薺菜花

月內三卯有則宜豆無則宜麥黍

四月

九焦在未 天火在酉 地火在申

此月伐木不甞

下芝麻

種夏蘿蔔菘菜椒松大豆紫蘇晚黃瓜葵蓮菜

豆白莧

枇杷忌糞

荷根宜立夏前三日

麻宜夏至前十日

籐梔子茶藤木香

收蘿蔔子蠶豆葱子

五月

九焦在卯 天火在子 地火在酉

下夏菘菜

種晚大豆萑蒲蒲晚紅花香菜桃杏梅核

移竹宜十三日竹醉日

種樹書

卷之二

六

斬桑採後卽斬不可過夏至節過則脂漿已上

根無力忌西南風

收菜子大蒜紅花槐花小蓼木綿藍青蒼耳櫻

粟蘿蔔子

苧葉治刀傷

收蠶種揀篾上硬繭尖細緊小者是椎圓慢厚

大者是雌收同時出者卯時放對未時摘放

子如環如堆者不可留毋蛾在上覆子者三

五日則氣足方用桑皮穿掛涼處忌麻苧線

掛烟薰日炙之。若收種不仔細徒費力養蠶
浸蠶種以蒲艾柳井水畧浸去屎收掛
月內三卯有則宜大小豆無則種早豆

六月

九焦在子 天火在卯 地火在戌

種小蒜冬葱胡蘿蔔

早蘿蔔宜初六日

晚越瓜收子便種宜糶

蘿蔔宜立夏日

種樹書

卷之上

七

油麻宜上旬

夏菘菜上旬種中旬食

赤豆菘豆立秋前十日宜麻地上種太早不生

不甞則宜豆忌卯日

收椒紫蘇

斫苧

麻於節卽斫宜薄束小漚宜青生熟合宜帶骨

一斤可取皮四兩

澆甘蔗柑橙橘

鋪竹園地芋地

七月

九焦在酉 天火在午 地火在亥

種小蒜葱蒿菜蘿蔔赤豆薑蔓菁早菜蕎麥胡

蘿蔔茼蒿

菠菜宜月末下旬

芥菜宜立秋前

收藏椒紫蘇瓜種芙蓉葉

八月

種樹書

卷之上

八

九焦在午 天火在酉 地火在子

種大蒜櫻粟寒豆生菜苦蕒苧麻諸般菜葱子

大麥牡丹芍藥韭子芥子麗春紅花

椒秋分前後數日

諸色菜子分作兩三次種與蘿蔔同

移早梅木樨橙橘枇杷木香牡丹

分牡丹芍藥根并諸色花窠

鋤竹園地

九月

九焦在寅 天火在子 地火在丑

種椒菜萸地黃蠶豆柿蒜芥菜藏菜矮黃

移山茶臘梅雜果木

收藏冬瓜子茄種槐子枸杞槐子菊花栗子芝

麻

十月

九焦在亥 天火在卯 地火在寅

種大小豆春菜生菜蘿蔔諸色菜

接花果

種樹書

卷之上

九

壓桑條

澆灌花木

收茶子山藥二桑葉芋冬瓜

十一月

九焦在申 天火在午 地火在卯

種小麥油菜萵苣桑蘿葡萄種

移松栢檜

接木

夾籬

澆菜

伐竹木

盒芙蓉條

收藏

十二月

九焦在巳

天火在酉

地火在辰

種橘松花樹桑

麥宜臘日

柳不生栽毛蟲

種樹書

卷之上

十

條桑

壓果樹

添桑土

墩牡丹皮

浴蠶種臘八日以桑柴灰淋汙以蠶種浸一日

却以雪水浸掛收或掛桑木上從雨雪凍一

二宿收度幾耐養

種樹書卷之上終

種樹書卷之中

漢郭橐駝著

明周履靖校

豆麥

凡種五穀用成收滿平定日爲佳小豆忌卯稻
麻忌辰禾忌丙黍忌丑秫忌寅未小麥忌戌大
麥忌子大豆忌申凡九穀不避忌日種之多傷
敗

種諸豆與油麻大麻等若不及時去草必爲草
種樹書

卷之中

一

所蠹耗雖結食亦不多諺云麻耘地豆耘花麻
須初生時耘豆雖花開尚可耘

種蒙豆地宜瘦

臘日種麥及豆來年必熟

麥苗盛時須使人縱牧其間蹂踐令稍實則其
收倍多

麥屬陽故宜乾原稻屬陰故宜水澤

小麥不過冬大麥不過年

麥最宜雪諺云冬無雪麥不結

種麥之法土欲細溝欲深爬欲輕撒欲勻
晒麥之法宜烈日中乘熱而收仍用水蓼剉碎
雜其間則免化蛾

桑

穀上接桑其葉肥大桑上接梨脆美而甘撒子
種桑不若壓條而分根莖

鷄脚桑葉花而薄得繭薄而絲少

白桑葉大如掌而厚得繭厚而堅絲每倍常

桑葉生黃衣而皺者號曰金桑非特蚕不食而

種樹書

卷之中

二

木亦將就槁矣

先槁而後葉者葉必少

浙間植桑斬其桑而植之謂之嫁桑却以螺殼
覆其頂恐梅雨侵損其皮故也二年卽盛

常以三月三日雨十桑葉之貴賤諺曰雨打石
頭偏桑葉三錢片或曰四日尤甚杭州人云三
日尚可四日殺我言四日雨尤貴

養蠶法收取種繭必取居簇中者近上則絲薄
近下則子不生

按五行書曰欲知蚕善惡常三月三日天陰而無日不再蚕大善

蚕繭腰小者雄蛾大者雌蛾鷄鶯鴨卵圓者雄尖者雌

午日不得鋤桑園

有柘蚕食柘而早繭

葉濕者不可飼蚕雨中採至必拭令乾恐有傷

竹

冬至前後各半月不可種植蓋天地閉塞而成

種樹書

卷之四

三

冬種之必死

種時斬去稍仍爲架扶之使根不搖易活又法三兩竿作一本移蓋其根自相持則尤易活也或云不須斬稍只作兩重架爲妙

種竹處當積土令稍高於旁地二三尺則雨潦時不侵損錢唐人謂之竹脚

竹有花輒槁死花結實如稗謂之竹米一竿如此則久之滿林皆然其治法於初米時擇一竿稍大者截去近根三尺許通其節以糞之則止

竹林中有樹切勿去之蓋竹爲樹枝所礙雖風雪不復欹斜

筍竹根多穿窖堦砌惟聚皂莢刺堆土中障之根卽不過栽油麻其亦妙

凡種竹正月二日宜取西南根於東北角種之其鞭自然行西南蓋竹性向西南行也諺云東家種竹西家種地若得死猫埋其下其竹尤盛竹有醉日卽五月十三日也齊民要術謂之竹醉日岳州風土記謂之龍生日移竹栽宜用此種樹書

卷之中

四

日或陰雨土虛則鞭行明年筍莖交出

種竹以五月二十日爲上是日遇雨尤佳或曰不必五月但每月二十日皆可又一說正月一日二月二日三月三日皆可種無不活者每月做此

種竹若用鋤頭打實土則筍生遲

種竹不去篠則林外向陽者三二年間便有大竹諺云栽竹無時雨過便移多留宿土記取南枝如要不間年出筍用本命日謂正月一日二

月二日之類

種竹不拘四時凡遇雨皆可若遇火日及有西風則不可移花木亦然移時須是大其根盤雜以草繩仍記向背爲佳

大率種竹須向北蓋根無不向南也仍須土鬆淺種不用增土於窠株之上乃佳夢溪忘懷錄之法尤妙

種竹須將竹母斬去只留四五尺長仍斜植之

種竹須濶掘溝用籠糠和泥抱根然後用淨土

種樹書

卷之中

五

傳其上或鋪少大麥於其中令竹根着麥上以土蓋之其根易行

志林云竹有雌雄雌者多笋故種竹常擇雌者物不逃於陰陽可不信歟凡欲識雌雄當自根上第一枝觀之雙枝者爲雌卽出笋若獨枝者是雄竹耳

種竹法擇大竹就根上去土三四寸許截斷之去其上不用只以竹根截處打通節實以硫黃末顛倒種之第一年生小竹隨卽去之次年亦

去之至第三年生竹其大如所種者。

種竹用舊茅茨夾土則竹根尋地脉而生。

竹有六十年數便生花。

竹以三伏內及臘月斫者不蛀。

竹留三去四蓋三年者留四年者伐去。

月菴種竹法先鋤其地深三尺濶一尺五寸將

馬糞須乾草糞和細泥并水填令一尺高令人

於其上踏熟或無馬糞以籠糠代之夏月令稀

冬月令稠然後種竹須三四莖作一叢者淺栽

種樹書

卷之中

六

爲佳上多用河泥蓋之斫去竹稍裝架地廣宜

種篁竹亭檻間宜種筋竹至次年八月後方可

去篠竹。

禁中種竹一二年間無不茂盛園子云初無他

術只有八字疎種密種淺種深種疎種謂三四

尺地方種一窠欲其土虛行鞭密種謂種得雖

疎每窠却種四五竿欲其根密淺種謂種時入

土不甚深深種謂種得雖淺却用河泥壅之。

宋子京種竹詩云除地墻陰植翠筠疎枝茂葉

與時新。賴逢醉日，元無損政，自得全於酒人。種植家云：五月十三號竹醉日，是日栽之，無不茂盛。又云：用辰日，良山谷所謂根須辰日斫，笋看上番成。又云：宜用臘日，杜陵謂東林竹影薄，臘月更宜栽。然臘月之說，大繆。見石林錄話。

竹之滋澤，春發於枝葉，夏藏於榦，冬歸於根。如冬伐竹，經日一裂，自首至尾，不得全盛。夏伐之最佳，但於林有損。未盛夏伐竹，則根色皆紅，而鞭皆爛。然要好竹，非盛夏伐之不可。七八月亦尚可。自此滋澤而不中用矣。如要竹不蛀，取五月以前，仍用血忌日。但此月和前竹不生，皆根爛。

種樹書

卷之四

七

秋分後，春分前，皆可移竹木。

竹與菊根皆向上，長添泥覆之爲佳。

七月間移竹，無不活者。

木

凡木皆有雌雄，雄者多不實，可鑿木作方寸穴，取雌木填之，乃實。

凡木搗麻油查雜糞灰壅之則枝葉茂
冬青樹凋瘁以猪糞壅之則茂一說以猪溺灌
之

凡木蚤晚以水沃其上以唧筒唧水其上

移樹木用穀調泥漿於根下日沃水無不活者
挿杉枝用驚蟄前後五日斬新枝鉏開坑入枝
下泥杵緊視天陰則挿了遇雨十分生無雨卽
有分數

草木被羊食者不長

種樹書

卷之四

八

栽松時去松中大根惟留四旁鬚根則無不偃
蓋

一年之計種之以竹十年之計種之以木

凡移樹不要傷動根鬚須濶掘塚不可去土恐
傷根諺云移樹無時莫教樹知

松必用春後社前帶土栽培百株百活舍此時
決無生理也

春分後勿種松秋分後方可種不獨松爲然

種松法大槩與竹同只要根實不令搖動自然

活

今移樹者以小牌記南枝不若先鑿掘窟沃水攪泥方栽築令實不可蹈仍多以木扶之恐風動其顛則根搖雖尺許之木亦不活根不搖雖丈餘可活更芟其上無使枝葉繁則不受風種一切樹大枝亦南栽亦向南

凡樹一移當三年

樹得桂而枯然未可一槩論若以桂爲丁在下釘則順插爲柳倒插爲楊

種樹書

卷之甲

九

木自南而北多苦寒而不生只於臘月去根旁土取麥穰厚覆之然火成灰深培如故則不過一二年皆結實若歲用此法則南北不殊猶人炷艾耳

種柳無戴毛蟲於根下先種大蒜一枚卽不生蟲又云微刮去根下皮以甘草末擦之亦佳

種水楊須先用木椿釘穴方入楊木度不損皮易長臘月二十四日種楊樹不生蠶子

凡斫松木五更初斫倒便削去皮則無白蟻又

須擇血忌日。然則白蟻不食。七月辰日最良。若已爲白蟻所食於血忌日。以斧敲之。云今日血忌。則白蟻自出。黃梔子候其大時。摘青者晒收。至黃熟則消化爲水。

元日天未明。將火把於園中百樹上。從頭用火燎過。可免百蟲食葉之患。

貧婆樹冬花夏子

種桑取樅子水淘取子暴乾熟耕地畦種

種柳取青嫩枝如臂長六七尺燒下二三寸埋

種樹書

卷之甲

十

二尺以上

種青桐九月收子二月三月作畦種之治畦下

水

種樹書卷之中

終

種樹書卷之下

漢 郭 橐 駟 著
明 周 履 靖 校

花

花木旺於春竹旺於秋

凡接牡丹須令人看視之如一接便活者逐歲
有花若初接不活削去再接只當年有花

牡丹花上穴如針孔乃蟲所藏處花工謂之氣
瘡以大針點硫黃末針之蟲乃死或云以百部

種樹書

卷之下

十

塞之

牡丹千葉者蜀人號爲京花謂洛陽種也單葉
者只恐爲川花又曰山花又曰山丹

菜園中間種牡丹芍藥最茂

牡丹芍藥不可置木斛中不耐久仍須要避風
處

海棠花欲鮮而盛冬至日早以糖水澆根下

立春如是子日於茄根上接牡丹花不出一月

卽爛熳

初春掘藕根取節頭着泥中種之。二年着花
以蓮葯投醃甕中經年移種發碧花

種蓮鬚先以羊糞壤地於立夏前三兩日種當
年便着花又法用五月二十日移深種蓮柄長
者以竹枝子扶之無有不活

種藕以酒糟塗之則盛

月桂花葉常苦蟲食以魚腥水澆之乃止

李贊皇花木記以海為名者悉從海外來如海
棠之類是也

種樹書

卷之下

二

瑞香花惡濕日不得頻沃以水宜用小便可殺
蛭蚓或從花脚澆之則葉綠又用梳頭垢膩根
上有日色卽覆之

鷄糞壅茉莉則盛壅百合則甚孳生

用罈猪湯澆茉莉素馨花則肥

催花法用馬糞浸水前一日澆之三四日方開

次日盡開

木犀接石榴開花必紅

花木接者移種須令接頭在土外

灌溉花木各自不同木犀當用猪糞瑞香當用
燐猪湯葡萄當用米泔水和黑豆皮花木有不
宜糞穢者甚多尤宜審問用之非其宜則立稿
園中四旁宜種決明草蛇不敢入

凡接花樹雖已接活內有脂力未全包生接頭
處切愛護如梅雨侵其皮必不活

澤洗布衣灰汁澆瑞香能去蚯蚓且肥花盖瑞
香根甜得灰水則蚯蚓不食而衣服垢膩又自
肥也

種樹書

卷之十

三

芙蓉隔夜以靚水調紙蘸花蓋上以紙裹來日
開成

碧色花五色皆可以澌

黃白二菊各披去一邊皮用麻皮扎合其開花
半黃半白

棘能辟霜花果以棘圍之卽茂

櫻粟九月九日及中秋夜種之花必太子必滿
凡種花藥須冬至後立春前作直枝有鶴膝如
大毋蒔者長二尺許劊于芋魁中掘令寬調泥

漿細切生葱一升攪於泥中將芋魁置泥中以細土覆之勿令實當年有花次年實

牡丹看盡如彈子大時試捻之十朵之中必有三兩朵不實者去之則不奪其他花力

凡種好花木其旁須種葱薤之類庶避麝香觸也

種花藥處栽數株蒜遇麝香則不損

種蕙蘭忌用水澆

種蓮以麥門冬子夾種茂盛

種樹書

卷之十

四

凡種花欲得花多須用肥土秋冬間壅根春來著花自然盛以猪糞和土令發熱過爲肥土

木犀葉有齒如鋸其紋亦粗澁乃香有一等葉光澤者殊無香也又有一等花極白者亦無香蘭亦如之

冬間花瓶多凍破以爐灰置瓶底下則不凍或用硫黃置瓶內亦得

芍藥牡丹摘下燒其柄置瓶中後入水其柄以蠟封之尤妙

苦楝樹上接梅花則花如墨梅

海棠候花謝結子剪去來年花盛而無葉

凡花木有直根一條謂之命根趣小栽時便盤了或以磚瓦承之則他日易移

凡花皆宜春種唯牡丹宜秋社前後接種

種水仙詩訣云六月不在土七月不在房栽

東籬下寒花朵朵香

果

栗採實時要得披殘其枝明年益茂

種樹書

卷之十

五

桃樹接李枝則紅而甘

柿樹接桃枝則成金桃

李樹接桃枝則生桃李

桃實自乾不落者名桃梟

南方柑橘雖多然亦畏霜不甚收惟洞庭霜雖

多無所損詢彼云洞庭四面皆水水氣上騰能

閣霜所以洞庭相橘最佳歲收不耗正爲此爾

以死鼠浸溺缸內候鼠浮取埋橘樹根下次年

必盛涅槃經云如橘得鼠其果子多

柑樹爲蟲所食取蟻窩於其上則蟲自去
應點桃李銀杏栽蒂子向上箇箇生向下者少
桑上接楊梅則不酸

桑上接梨則脆而甘

葡萄欲其肉實當栽於棗樹之側於春鑽棗樹
上作一窠子引葡萄枝入窠中透出至二三年
其枝旣長大塞滿樹窠便可斫去葡萄根令托
棗根以生便得肉實如棗北地皆如此種

銀杏樹有雌雄雄者有三稜雌者有二稜合二
種樹書

卷之六

六

者種之或在池邊能結子而茂蓋臨池照影亦
生也

果樹有蠹蟲者以芫花納孔中卽除或云納百
部葉

鑿果樹納少鍾乳末則子多且美又樹老以鍾
乳末和泥於根上搗去皮抹之樹復茂

凡接矮果及花用好黃泥晒乾篩過以小便浸
之又晒乾篩過再浸之又晒浸凡十餘次以泥
對樹枝用竹筒破兩片封裹之則根立生以年

斷其皮截根取栽之

果實異常者根下必有毒蛇切不可食

果木有蟲蠹處用杉木作小丁塞之其蟲立死
生人髮掛樹上鳥不敢食其實

凡種樹宜望前在望後則必實

接樹須取向南隔年近下者接之則着子多

花果樹如曾經孝子及孕婦手折則數年不着
花或不甚結實

果子先被人盜吃一枚飛禽便來吃

種樹書

卷之下

七

凡果木未全熟時摘若熟則扯過筋脉來歲必
不盛

果實凡經數次接者核小但其不可種耳

河陰石榴名三十八者其中只有三十八子

橄欖將熟以竹釘之或納鹽於皮下其實蓋落
荔枝結子時若日午有雨則盡落

甜瓜生者以鯨魚骨插頂上則蒂落而易熟
柿子接及三次則全無核

桃樹過春月以刀踈斫之則穰出而不蛀

桃實太繁則多墜以刀橫斫其榦數下乃止
社日令人舂桃樹下則結實牢凡果實不牢者
宜社日舂其根

三月上旬取果木斫取好直枝如大毋指長五
寸納芋魁中種之或大蔓菁根亦可用勝種核
種核三四年乃如此大耳

桃子甞者以煑猪頭汁冷澆之卽不甞
桃者五行之精制百鬼謂之仙木

凡果實初熟用雙手摘則年年生

種樹書

卷之下

八

果木見麝香則蔦花不結子

種甘蔗必猪毛和土必長茂

梅樹接桃則脆桃樹接杏則大

桃熟時墻面暖處寬深爲坑收濕牛糞納坑中
好桃核子數箇尖頭向坑中糞土厚蓋一尺深
春芽生和土移植之

果樹生小青蟲將竹燈盼掛樹自無

元日日未出時以斧斑駁椎椎碎棗李等樹謂
之嫁樹

種石榴取直枝如大母指斬一尺八九條共爲一科燒二頭二寸作坑深一尺餘口徑一尺豎枝坑畔周布令勻置枯骨薑石於枝間下土令實一重骨石一重土出枝頭一寸水澆卽生又以骨石置枝間則茂

杏熟時含肉納糞中至春旣生則移栽實地旣移不得更移

移大海樹去其枝稍大其根盤沃以溝泥無不活者

種樹書

卷之下

九

生龍眼沸湯內淖過食之不動脾

柿子尚生斃之卽熟

凡果須候肉爛和核和之否則不類其種

柑橘橙等於枳棘上接者易活

林禽蛀以鐵線尋竅內鑽刺用百部末杪木釘塞之如生毛蟲以魚腥水潑根或埋蠶蛾於地

下

菜

茄子開花時取葉布過路以灰圍之結子加倍

謂之嫁茄

種香菜常以洗魚水澆之則香而茂

種茄子時初見根處拍開搯硫黃一錢以泥培之結子倍多其大如盞味甘而益人

葭稜過月朔乃生今月初二三間種與二十七
八間種者皆過來月初一乃生驗之信然蓋頗
稜國菜

生菜種之不必拘時纔盡卽下種亦便出諺云
生菜不離園以不時而出也

種樹書

卷之十

香菜與土龍脰不得用糞澆澆則不香只以溝
泥水米泔水澆之佳

芟首根逐年移動生著不墨

枸杞可以挿種

種枸杞法秋冬間收子於水盆中接取曝乾春
熟地作畦畦中去五寸土勾作壟壟中縛草椗
如臂長與畦等卽以泥塗草檄上以枸杞子布
於泥上以細土蓋令徧又以爛牛糞一重又以
土一重令畦平待苗出水澆之堪喫便剪

冬瓜正月晦日傍墻區種之區圓三寸深五寸
着糞種之

種韭畦欲深下水和糞初歲惟一剪每剪卽
加糞惟須深其畦爲容糞也

茄着五葉因雨移之

種蘿蔔宜沙糯地五月犁五六徧六月六日種
鋤不厭多稠卽少種

種芋根欲深斲其旁以復其土旱則澆之有草
鋤之

種樹書

卷之十

十一

種菌子取爛楮木埋於地下以以米泔水澆之
令濕兩三日卽生

張約齊種花法云春分和氣盡接不得夏至陽
氣盛種不得立春正月中旬宜接櫻桃木犀排
徊黃薔薇正月下旬宜接桃梅李杏半丈紅蠟
梅梨棗栗柿楊柳紫薇二月上旬可接紫笑綿
橙匾橘已上種接並於十二月間沃以糞壤至

春時花果自然結實立秋後可接林禽川海棠

黃海棠寒球轉身紅祝家棠梨葉每棠南海棠

以上接種法並要接時將頭與木之皮對皮骨對骨用麻皮緊纏上用箬葉寬覆之如萌茁稍長卽徹去箬葉無有不成也

種樹書卷之下終



書山章

